

焦氏易林校略

焦氏易林校略卷五

隨第十七

隨 鳥鳴東西迎其羣旅似有所屬不得自專空天  
獨還

乾 鼻目易處不知香臭君迷於事失其寵位

坤 唐虞相輔鳥獸喜舞安樂一作康无事國家富有

上二句末句臨之解次句  
剝之豐末句詳乾之師

屯 左輔右弼金玉滿堂常盈不亡富如廩倉詳蒙之坤

蒙 蒼龍單獨與石相觸摧折兩角詳坤之屯

需 洛陽嫁女善逐人走三寡无夫不安其廬詳豫之蹇

訟

逐虎驅狼辟去不祥凶惡北行與喜相逢

次句詳謙

之家人末句无妄之謙革之井

師

齋只贖狸不聽我辭繫於虎須牽不得來

詳需之睽

比

同載共車中道別去喪我元夫獨與孤居

塞首句比

之革大畜之小過第三句比之革

小畜

奮拔鼓翼將之嘉國愆期失時反得所欲

首句損之

觀旅之需節之遯

履

目傾心惑夏姬在側申公顛倒巫臣亂國

附注事見

左傳成八年

泰

搏鳩彈鵲逐兔山北丸盡日暮失獲无得

搏當作搏

否

鹿求其子虎廬之里唐伯季耳貪不我許

漢之

未濟之艮 唐伯季耳當作伯都李耳皆虎名見方言

敗魚鮑室臭不可息上山履塗歸傷我足

同大人有

華燈鏗之俗百枝消暗衰微精光訖盡知六

飛睽之遯 艮之蹇

謙

顏叔子夏遊敖之俗游仁字溫良受福不失其

所未句詳否之鼎

豫

梁柱堅固子孫蕃熾福喜盈積終无禍悔

蠱

邊鄙不聳民狎其野穡人成功年歲大有首句責之

益震之旅末句夬之困豐之比豐之大過小過之隨

臨

龜池鳴响呼求水潦雲雨大會流成河海

漸之中孚

觀

志合意同姬姜相從嘉耦在門夫子說喜

次句明夷

之困歸妹之豐  
末句詳否之渙

噬嗑

白馬騶騶更生不休富我商人利得如邱

鼎之豐首

句第三句  
復之睽

賁

大姒夏禹經啟九道各有攸處民得安所

剝

甲戌己庚隨時轉行不失其常得且安寧

上二句噬

噬之坤漸之旅歸妹之同人第二句臨之比頤  
之噬噬第三句臨之比臨之渙頤之噬噬咸之

睽附注甲戌己庚甲為春庚為秋錯  
舉春秋以舉四時戊己運於四時也

復

穆遠百里使孟厲武將師

帥一作

襲戰敗於穀口

首句下二句  
損之明夷

无妄

姊妹合居與類相扶願慕羣旅不離其處

上二句末

句坤之家

大畜

伯仲叔季日暮寢寐裸臥失明喪其貝囊

詳謙之鼎

頤

亡羊補牢張氏失牛駢駢奔走鷄盜我魚

姤之大壯

首句小過之蹇疑當如井之坎作張伺

張氏

大過

雀目燕鰥畏昏无光思我狡童不見子充

頤當作晴

坎

入暗出明動作有光運轉休息常樂允康

詳否之復

離

不勝私情以利自嬰北室出孤毀其良家

孤狐之謬

也與否之頤狐鳴室北同義附注漢書司馬遷傳嬰金鐵以受辱注嬰繞也

咸 稱幸上靈媚說於神受福重重子孫蕃功

恆 邑姜叔子有文在手實沈參虛封爲晉侯

睽之坤第

三句泰之未濟末句泰之益云升案一作康唐之譌也

附注實沈參神參

爲晉星見左傳昭元年

遯 遊游无患出入安全長受其歡君子萬年

末句井之

夫

壯大 被服文德升入大麓四門雖肅登受大福

剝之復

晉 負金懷玉南歸嘉國蜂蠆不螫利入我室

明夷 日在阜顛鄉昧爲昏小人成羣君子傷倫

家人 水父海母先來鳴响澤皋之子就

一作從高而處

下二句  
臨之節

睽 東鄰少女爲王長婦柔順利貞宜夫壽子

第三句詳

需之  
歸妹

蹇 戴盆望天不見星辰顧小失大福逃於外

賁之  
蒙益

之中孚巽之  
漸小過之蠱

解 王喬无病狗頭不痛亡屐失履乏我送從

詳謙

損 使燕築室身无庇宿家不容車微我衣服

上二句巽

之革  
年云  
微當作微

益 威權分離烏夜徘徊羣蔽月光大人誅傷

家人  
之无

妄



丈

辯變白黑巧言亂國大人失福君子迷惑

第三句蹇

壯之大

姤

衣赭甲鎧做筐爲具大人不顧少婦不取棄捐

於道

末句詳否之萃

萃

燕雀銜茅以生孚乳兄弟六人交好孝悌各得

其願和說相樂

詳小畜之與

升

登几上與駕駟南游合縱散橫燕齊以強

詳屯之否

困

黯黯許許仇禍相得冰入炭室消滅不息

下三句鼎

之恆

黯黯一作黯黯許許舊注一作許許並未詳

井

鳴鳴破斧沖人危殆賴且忠德轉禍爲福傾危

復立

詳坤之遯

革

載金販狗利棄我走藏匿淵底悔折爲咎

詳訟之旅

鼎

深

一作淵

阬復平宇室安寧憂患解除賴福長生

首句末句否之明夷第三句詳蒙之咸

震

驅姬讒喜與二嬖謀譖啄恭子賊害忠孝申生

以縊重耳奔逃

詳比之履

艮

刳羊不當血少无羹女執空筐不得采桑

豐之大壯

首句第三句歸妹之睽

漸

牧羊稻園聞虎喧謹畏懼悚息終无禍患

詳否之節

歸妹

明德隱伏麟鳳遠匿周室傾側不知所息

次句小畜

之妬

豐鄰不我顧而求玉女身多禿癩誰可婦者

首句末句

詳師之

小過

旅初雖无輿後得載車賴幸逢福不離兵革

末句兌之

蹇既濟之復

巽水壞我里東流為海鳧黿謹嘗不覩慈母

詳泰之兌

兌兩心不同或欲西東明論終日莫適所從

訟之頤

渙天帝縣車廢禮不朝攘服不制失寵其家

天帝天王

之誨也漢書賈捐之傳孝武帝採平成之事錄冒頓以來數為邊害籍兵厲馬因富民以攘服之作襁褓者非附注淮南子天文爰止其女爰息其馬是謂縣車御覽引作爰止義和爰息

其螭是謂縣車  
於餽義尤切

節

交川合浦遠溼難處水土不同思吾皇祖

牟云川當

作州云升案交州合浦見吳志士燮傳

中孚

句踐之危棲於會稽太宰機言越國復存

附注機言

見艮之離

小過

貞鳥睢鳩執一无尤寢門內治君子說喜

上二句末

句晉之

同人

既濟

富年早寡獨立孤居雞鳴犬吠无敢問諸

一作者

我生不遇獨離寒苦

首句第三句人過之泰

未濟

江淮易一作變服淫酒无側高位顛崩寵祿反覆

首句大畜之訟第三句大畜之訟頤之大有  
附注此言商紂也江淮謂南國易服易服色也  
淫酒即昔秦誓所謂沈湎冒色詩蕩時無肯無  
則傳無側側無人也紂時南國已歸於周而紂  
猶淫酒於酒色傍側無賢人故至於顛覆也或  
據張衡東京賦白龍魚服見困豫且之語謂此  
川說苑正諫伍子胥諫  
吳王欲從民飲酒事

蠱第十八

蠱 魴生江淮一作洛一轉為百周流四海无有難惡

咸之  
冥

乾 首澤與目載受福慶我有好爵與汝相迎與目  
之與

當作  
如

坤 輶輶輶輶歲暮偏獎寵名捐棄君衰於位附注  
輶輶

說見秦之謙又玉篇  
鞠樓皆云車聲也

屯

折箬蔽日蘭

關古通

屏王曰司馬无良平子沒

傷

附注司馬平子事見左傳昭二十  
年言司馬若无良則平子沒傷矣

蒙

家在海隅繞旋深流豈敢憚行无木以趨

歸妹  
之大

畜上二句末句觀  
之明夷萃之師

需

執義秉德不危不殆延頸盤桓安其室垣屯耗

未得終无大恤

次句詳乾之剝

屯耗當作鈍耗漢書景

帝紀不事官職耗亂者注耗不明也讀與耗同  
蘇軾教戰守策其剛心勇氣消耗鈍耗疲蹶而

不復振蓋  
本此辭

訟

長舌亂家大斧破車陰陽不順姬姜衰憂

末句  
存考

師 二人異路東趨西步千里之外不相知處

詳屯

比 視暗不明雲蔽日光不見子都鄭人心傷

第三句比

之師

小畜 初憂後喜與福爲市八佾列陳飲御諸友

詳坤

過

履 童妾獨宿長女未室利无所得

詳豫之益

泰 元黃四塞陰雌伏謀呼我牆屋爲巫所識

否 中歲摧隤常恐衰微老復賴慶五穀爲相

同人 伯氏殺牛行悖天時亳社夷燒朝歌邱虛

大有 日短夜長祿命不光早離父兄免見分張

謙

采唐沫鄉要期桑中失信不會憂思約帶

詳師之噬

噬

豫

昧視无光夜不見明冥抵空牀季女奔

一作亡逃

下二句坎之泰

昧視

當如坎之泰作朝視

隨

舉趾振翼南至嘉國見我伯姊與惠相得

次句小畜

師之

臨

則天順時周流其虛與樂竝居无有咎憂

第三句詳

乾之小畜

牟

云其當作六

觀

蠶室蜂戶螫我手足不可進取爲身害速

詳屯之明

夷



盛

公孫駕驪載聘

一作游

東齊延陵說產遺季紵衣

詳乾之益

賁

轉作驪山大失人心劉季發怒命滅子嬰

附注驪山

謂秦也

剝

羊腸九縈相推稍前止須王孫乃能上天

臨之與損

之屯豐之升渙之蹇首句下二句詳履之師

復

蟠

一作蠖與詩同

蝨充側佞人傾惑女謁橫行正道豔

塞

震之井首句下二句无妄之臨附注漢書李尋傳法為牽於女謁注謁請也

无妄

福祿不遂家多怪崇麋鹿悲鳴思其大雄

大畜

雲雷因積大雨重疊久不見日使心悒悒

一作使我

心

頤 三河俱合水怒踊躍壞我王室民困无食

臨之黃坎

之節小過之井

附注牟云三河謂冀之西境

爲西河其南境爲南河東境爲東河也三河合

而冀州爲水國矣

大過 旦雨夜行早徧都城更相傾覆終无所成

旦疑當作

冒

坎 褒后生蛇經孝曰微側跌衰光復滅黃離

大壯之大

有存考

離 鴻雁南飛隨時休息轉逐天和千歲不衰

次句頤之

蒙兌之

大畜

咸

後時失利不得所欲

兌之豐末句  
家人之噬嗑

恆

心多恨惑出門見怪梟鳴室北聲醜可惡嫫母

爲媒請謁不得

詳豫  
之恆

遯

四馬過隙時難再得尼父孔聖繫而不食

上二  
句鼎

之大壯

附注禮三年問若咽  
之過隙然釋文隙空隙之地也

大壯

陰變爲陽女化作男治道得通君臣相承

詳屯  
之離

晉

崑崙源口流行不止蘇伊砥柱民不安處

次句  
詳謙

之无妄末句詳訟之噬嗑  
陸古聲同書蘇陸洪水漢石經作蘇伊洪水

附注牟云伊讀爲

明夷

葛藟蒙棘華不得實讒佞亂政使忠墜塞

詳師  
之中

孚

人家

公無

毋古通用無

長驅天王駿馬非其所當傷折為

害

睽

大倉充盈庶民蕃盛

一作萬物蕃成

年歲熟榮

蹇

執蕢照犧為風所吹火滅无光不見元黃

次句詳謙

之遜第三句臨之謙 賁麻燭也見周禮司烜氏共墳燭注賁作簧者非

解

鳥反故巢歸其室家心平意正與叔相和登高

隕墜失其寵貴

下二句衍文宜刪

損

弩弛弓藏良犬不行內无怨女征夫在堂

此言偃武

事也弩弛弓藏良犬不行非用史記淮陰侯列傳狡兔死良狗烹高鳥盡良弓藏之語行作烹

非者

益

特

一作犧

孔博日新其德文君燎

一作出

獵姜氏

受福

次句蹇之大畜第三句旅之鼎

夬

季秋孟冬寒露霜降大陰在庭品

一作庶

物不生

雞犬夜鳴家擾數驚

第五句詳小畜之蹇

姤

心多恨惑出門見怪梟鳴室北聲醜可惡嫫母

爲媒請謁

一作求

不得

詳豫之恆

萃

虎豹爭強道閉不通小人謹訟貪天之功

升

雞方啄粟爲狐所逐走不得食惶懼

一作怖

惕息

上三句歸妹之无妄

困

陳妻敬仲兆興齊姜乃適營邱八世大昌

詳比之豫

井 昊天白日照臨我國萬民樂康咸賴嘉福詳比之晉

革 雲夢大藪嘉有所在虞人共供古通用職驪駒共後竝同

樂喜

鼎 麋鹿雉兔羣聚東園盧黃白脊俱往追逐九辭

十得主君有喜詳蒙之復

震 德惠孔明雖衰一作主君復章保其室堂

艮 天之所壞不可强支眾口嘈嘈雖貴必危上二句末

句蒙之夫

漸 天之奧隅堯舜所居可以全身保我邦家上二句末

句詳履之復

歸妹

下泉苞稂十年无王荀伯遇時憂念周京

賁之姤

附注荀詩作郇逸周書王會解作荀伯

豐

江河海隅眾利聚居可以遨游卒歲无憂

旅

南山大木三身六日制命出令東里宣政主尊

君安鄭國无患

離之損三身六日疑言鄭之子展當國子西聽政子產爲卿

見左傳襄十九年或曰謂神謀世叔子羽也

巽

重譯置之來除我憂與喜俱居同其福休

上二句詳

蒙之頤第三句蒙之旅

兌

南山高岡麟鳳室堂含和履中國无災殃

首句逐之

睽末句詳大有之旅

渙紫芝朱草與仙爲旅公尸侑食福祿來下

第三句詳

同人之刺末句  
噬嗑之中孚

節宮成室就進樂相舞英俊在堂福祿光明

中孚商人子孫資无所有貪貝逐利流連都市還輶

內鄉嘉喜何咎

二三四五句  
詳大有之履

小過執贄入朝獻其狐裘元戎燮安沙漠以歡

疑言  
單于

朝見於漢也元戎謂董忠  
韓昌事見漢書匈奴傳

既濟涌泉滑滑流行不絕汗爲江海敗壤邑里家无

所處

詳同人  
之既濟

未濟固陰沍寒常冰不溫凌人情怠大雹爲災

詳泰  
之噬



噬

臨第十九

臨 弱水之上有西王母生不知老與天相保

下三句詳

訟之素

乾 黃獐生子白戌爲母晉師在郊虞公出走

獐當作盧

黃盧生子當作生子黃盧

坤 倉唐奉使中山以孝文侯說喜擊子徵召

詳豫之豐

屯 機關不便不能出言精誠不通爲人所冤

詳小畜之

蒙

蒙 白茅縮酒靈巫拜禱神嗜飲食使君壽考

兌之咸次

句詳小畜之坎第三句詳乾之旅末句詳師之旅

需

重瞳四乳耳聰目明普為仁表聖作元輔

首句秦之

既濟

訟

水漲无船破城壞隄大夫從役困於泥塗一朝

喪一作亡隕不見少妻

師

六二一作二人俱行各遺其囊黃鵠失珠无以為明

賁之噬嗑鼎之坎旅之頤 鵠當作鶴或云鶴古通用鵠未確也唐類函引玉符瑞圖晉平公

鼓琴有元鶴二雙白天而下衛明珠於庭一鶴失珠

比

隨時轉行不失其常咸樂厥類身无咎殃

上二句詳

剝隨之

畜小

蔡女蕩舟爲國患憂襄后在側屏蔽王目搔擾

六國

末句衍文宜刪

履

駕龍騎虎周徧天下爲神人使西見王母不憂

不殆

第四句詳坤之噬嗑

泰

員一作背

怨之吳晝策闔閭鞭平服荆除大咎殃

威振敵國還受上卿

附注吳王闔廬史記秦本紀作闔閭

否

唐邑之虛晉人以居虞叔受福實貺是國世載

其樂

人同

管鮑相知至德不離三言相桓齊國以安

附注三言

謂戎狄豺狼云云也見左傳僖四年

有大

三十无室長女獨宿心勞未得憂在賀惡

首句元安

之豫艮之解

謙

散渙水長風吹我鄉火滅无光墮敗桓公

第三句疊

之蹇

此言魯丹桓宮楹娶齊女齊女不制陰氣盛致大水也見公羊莊二十四年公當作宮

豫

蜎飛蠕

蠕之俗後竝同

動各有配偶大小相保咸得其

所

噬噬之蠱首句觀之乾

隨

安樂几筵未出玉門

蠱

火生月窟上下恩塞觥

觥之俗

亂我國

觀

長生无極子孫千億柏柱載梁堅固不傾

詳比之泰

噬

欽承昊天庥象星辰宣授民時陰陽和調

末句詳大

有之

賁

三河俱合水怒踊躍壤我王室民困无食

詳蠱之頤

剝

壽如松喬與日月俱常安康樂不離禍憂

觀之剝大

壯之解

復

天之所予福祿常在不憂危殆

詳小畜之遯

妄

受讖六符招搖空虛雖跌无憂保我命財

附注漢書

藝文志秦階六符一卷注三台謂之秦階兩兩成體三台故六觀色以知吉凶故曰符禮曲禮

招搖在上注招搖星在北斗杓端主指者

畜大

齋金買車失道後時勞罷爲憂

頤

華首山頭仙道所游利以居止長无咎憂

詳謙之井

過大

采唐沫鄉要期桑中失信不會憂思約帶

詳師之噬

盛

坎

人面鬼口長舌爲斧斲破珊瑚璉殷商絕後

艮之頤上

三句否之謙

離

臨谿蟠枝雖恐不危樂以笑歌

末句賁之離牟云蟠當作攀

咸

泱泱沸溢水泉爲害使我无賴

末句詳泰之豐

恆

蝗螟爲賊傷害稼穡秋饑於年農夫鮮食

次句詳蒙

之震

遯

八百諸侯不期同時慕西文德興我宗族家門

離穆

壯大

長男少女相向笑語來歡致福和說相樂

上二句坤

之同人

晉

平國不君夏氏作亂烏號竊發靈公隕命

益之履吳

之靈

附注平國靈公名夏徵舒射殺靈公事

見左傳宣十年烏號黃帝弓名見史記封禪書

夷明

春多膏澤夏潤優渥稼穡成熟畝獲百斛

艮之賁節

之師 當作穫 穫

人家

客宿臥寒席蓐不安行為危害畱止得歡

睽

乘桴於海雖懼不殆母載其子終焉何咎

蹇

手拙不便不能伐檀車无軸轅行者苦難

解

唐虞相輔鳥獸喜舞民安无事國家富有

上二句末

句詳隨  
之坤

損 秋蛇向穴不失其節夫人姜氏自齊復入詳豫之兌

益 病篤難醫和不能治命終期訖下即蒿里豫之豐

夬 青蛤如雲城邑閉門國君衛守民困於患夬之首句

泰附注古今注魚蟲蜻蛉色青而大者也據夬之泰青蛤如雲為兵象故曰城邑閉門云云

姤 牙槩生齒室堂啟戶幽人利貞鼓翼起舞詳比之節

萃 鳧游江海一作湖沒行千里以為死亡復見空桑

長生樂鄉詳需之師

升 黃帝出游駕龍乘馬東上泰山南過齊魯邦國

咸喜詳同人之需



困履危不止與鬼相視驚恐失氣如騎虎尾

下三句坎

觀之

井秋南春北不失消息涉和履中時无隱慝

首句頤之

蒙兌之大畜

革龍門砥柱通利水道百川順流民安其居

末句賁之

萃

鼎千歲廟堂棟橈傾偃天厭周德失其寵光

第三句詳

蒙之大畜末句觀之革大畜之同六井之中孚

震折葉蔽日不見稚叔三足孤鳥遠離家室

上三句詳

師之蒙

艮望叔山北陵隔我目不見所得使我心一作惑

漸匏瓠之息一畝千室萬國都邑北門有福一作室當實

國當作家北當作比後漢書夏馥傳唯馥比門不與交通

歸妹式微式微憂禍相絆隔以巖山室家分散詳小

謙

豐騏驥驂耳游食萍草逍遙石門循山上下不失

其所末句詳否之鼎附注耳驂省文也萍萍同字此當依詩鹿鳴食野之苹箋訓蘋蕭

也

旅天所祚昌文以為良篤生武王姬受其福文以當作

文以

與 羊腸九縈相推稍前止須王孫乃能上天

詳盡之剝

兌 貧鬼守門日破我盆孤牝不駒雞不成雛

上二句損

之剝萃之隨既濟之歸妹

渙 飽食從容出門上堂不失其常家无咎殃

次句或之

睽第三句詳隨之剝

節 陰淫不止白馬為海澤皋之子就高而處

下二句隨

之家人白馬疑言白馬門白馬浸白馬縣也

中孚 執戈俱立以備暴急千人守門因以益卑終安

何畏

小過 夾河為婚水長无船搖心失望不見所歡

首二句下二

句詳屯之小畜  
次句詳屯之蹇

陰陽變化各得其友上下順通奏爲膚功

既濟未濟

任劣德薄失其臣妾田不見禽犬无所辭一作得

觀第二十

觀歷山之下虞舜所處躬耕致孝名聞四海爲堯

所薦纘爲一作天子首句詳訟

乾蜎飛蠕動各有所配歡說相逢咸得其處首句詳臨

之豫

坤繼祀宗邑追明成康光照萬國享世久長疾病

不醫下卽蒿廬第二三四句比之乾下二句衍文左剛

屯

秋冬探巢不得鵲雛銜指北去愧我少夫

詳訟之睽

蒙

童妾獨宿長女未室利无所得

詳豫之益

需

鴻波逆流至人潛去蓬蒿代柱大屋顛仆

首句第三

句詳同人

訟

日暗不明讒夫在堂右臂疾痺君失其光

首句離之

觀

師

王孫貴子相與爲友明允篤誠升擢薦舉爲國

幹輔

一作杜詳師之訟

比

駉牝龍身日馭三千南上蒼梧與福爲婚道里

夷易安全无患

詳小畜之无妄

畜小

三子成駒破其堅車輪載空輿後時失期

履

逐禍除患道德神仙避惡萬里常歡以安

上三句明

夷之

泰

黃池之盟吳晉爭強句踐為患夷國不安

附注事見

左傳哀十三年

否

青牛白咽呼

一作招

我俱

一作於

田歷山之下可以

多耕歲樂時節民人安寧

詳訟之小過

有頭无目不見菽粟消耗為疾三年不復

同人大有

山沒邱浮陸為水魚燕雀无巢民无室廬

坎之困睽

訟豐之剝

謙 高岡鳳凰朝陽梧桐離離啗啗萃萃萋萋陳辭

不多以告孔嘉

豫 鰥寡獨宿憂動留臆莫與笑食

隨 躓馬破車惡婦破家青蠅汙白恭一作共共子古通用恭

離居革之解附注恭子謂晉太子申生也

蠱 長女三嫁進退无羞牝狐作妖夜行離憂首句下二

句頤之同人

臨 人无定法緩行長姦蛇雄走趨陽不制陰宜其

家困旅之坤既濟之屯蛇雄當作雄蛇

噬 茹芝餌黃飲食玉英與神流通長无憂凶詳豫之蠱

賁 東行无門西出華山道塞畏難游子爲患

剝 壽如松喬與日月俱常安康樂不離禍憂

詳臨之剝

復 探穀得螽所願不喜道宜小人君子咎蹇

无妄 蠍螺生子深目黑醜雖飾相就眾人莫取

詳需之恆

大畜 喜怒不時雪霜爲災稼穡无功后稷飢憂

頤 烏升鵲舉照臨東海龙降庭堅爲陶叔後封圻

蓼六福履綏厚

中孚之小畜上四句末句詳需之大畜

大過 黃離白日照我四國元首昭明民賴其一作福

恩

頤之既濟末句解之明夷

坎 黍稷醇醲敬奉山宗神嗜飲食甘雨嘉降獨蒙



福力時災不至

上四句詳比之需

離 禍不更生福過我里入門笑喜與吾利市

咸 晝臥里門悚惕不安目不得闔

台古通用闔

鬼搔我

足

恆 春草榮華長女宜夫受福多年世有封祿

第三句詳

師之坤 牟云封祿當如師之坤作封君

遯 離門內崩賊賢傷仁暴亂狂悖簡公失位

首句末句

既濟之節 附注此蓋言齊東郭賈事見左傳哀十四年

壯大 心志无良昌披

一作猖獗

妄行觸牆觝壁不見戶房

大畜之蹇 附注楚辭離豎何桀紂之昌披兮注披音披朱子集注昌一作猖披一作披

明夷

膠車木馬不利遠賈出門為患安止得全

家在海隅繞旋深流企立望朱无木以趨

上二句末

句詳蠱之蒙附注用詩河廣義企詩作歧

人宗

冬桑枯槁當風於道蒙被塵埃左右勞苦

萃之觀

睽

過時不行妄逐王公老女无夫不安其居

蹇

履泥汚足身困名辱兩仇相當身為疾病

詳大有之

鼎

解

精華墮落形骸醜惡齟齬頓挫枯槁腐蠹

詳象之履

損

長生无極子孫千億柏柱載梁堅固不傾

詳比之泰

益

去辛就蓼毒愈酷甚避穽遇

一作入

阮憂患日生

豐之益

夫

堯舜欽德養賢致福眾英積聚國无寇賊

下三句坎

畜之小

姤

狗逐兔走俱入谷口與虎逢晤迫不得去

萃

望尚阿衡太宰國公藩屏湯武立為侯王

詳同人之

師

升

清人高子久屯外野逍遙不歸思我慈母

詳師之睽

困

三蟲作蠱削迹无與勝母盜泉君子不處

首二句

句姤之觀翼之剝

牟云

三當作皿

云升案皿

蠱為蠱見左傳昭元年

附注

水經注洙水注

引尸子孔子至于勝母暮矣而不宿過于盜泉渴矣而不飲惡其名也

井

驢一作作龍身進所无前三日五夜得其所飲

進所當作所  
進欽當作歡

革

黃裏綠衣君服不宜淫酒毀常失其寵光末句詳臨

鼎之

鼎

天所顧祐禍災不至安吉无懼次句震之萃

震

盤紆九回行道畱難止須子邱乃觀所歡萃云子當

作于附  
注須待也

艮

暴虐失國爲下所逐北奔陰胡主君旄頭末句詳屯

之无妄附注  
說見屯之无妄

漸

御驛從龍至霍一作華東與禹相逢送致於邦

歸妹

銅人鐵距暴露勞苦終日卒歲无有休止

兌之未濟

第三句賁之離

豐

大人失宐盈滿復虧成長之木盛者滅衰

成長當作

成長

旅

梅李冬實國多盜賊擾亂竝作王不能制

詳同人之

損

巽

澤枯无魚山童无株長女嫉妒使身空虛

兌

天門東虛晉季爲災臚朕默蒼秦伯受殃

上二句末

句睽之損 天門星名屬東方角宿虛者星光不實也竝見史記天官書東作冬者非季疑當作饑臚朕默蒼睽之損作躋蹊蹊聲皆譌當作躋蹊蹊蒼史記天官書大荒落歲歲陰在巳歲

星居戌以四月與奎婁胃昂晨出曰躔躔熊熊  
赤色有光晉季爲災秦伯受殃疑言左傳僖十

三年十四年  
晉饑秦饑事

換

褰裳涉河水深漬多賴幸舟子濟脫无它

詳坤之萃

節

推車上山高仰重難終日至暮惟見阜顛

大過之家

人首句解之師第三句詳師之同人

孚中

鼎煬一作灼

其耳熱不可舉大路壅塞旅人心苦

比

過小

四亂不安東西爲患退身止足毋出邦域乃得

全完賴其生福

詳泰之鼎

濟既

班馬還師以息勞罷役夫嘉喜入戶見妻

賁之蠱剝

焦氏易林校略卷五

舊

三

之噬嗑夫之否  
兌首句蹇之復

濟未

積德不怠遇主逢時載喜涇陽身受榮光

附注  
秦策

呂尚之遇文王也身為漁父而釣於涇陽之濱耳

焦氏易林校略卷六

噬嗑第二十一

噬嗑

麒麟鳳凰善政得祥陰陽和調國无災殃

詳大

旅

乾

秋風牽手相提笑語伯歌叔舞燕樂以喜

上二句末

句詳否之損

坤

甲戌己庚隨時轉

一作運

行不失常節咸達出生

各樂其類達性任情

上三句第五句漸之旅歸妹之同人上二句詳隨之

剝第五句賁之否達性之達疑當作通

屯

破亡之虛神所

一作祇

哀憂進往无光畱止有慶



蒙

注斯膏澤扞衛百毒防以江南虺不能螫

年云以當

作于

需

日月相望光輝盛昌三聖成功仁德大降

首句末句

詳師之節

訟

大蛇巨魚戰於國郊君臣隔塞衛侯廬漕

首句第三句

句歸妹之坎未濟之既濟次句剝之艮巽之臨附注事見左傳閏二年

師

龍入天關經歷九山登高上下道里險難日晏

不食絕无甘酸

牟云此言人主微行也入當作出附注文選楊雄長楊賦運

天關注引天官星占北辰一名天關

比

沙漠北塞絕无水泉君子征凶役夫苦艱

次句詳乾

訟之

畜小

關圻門啟杙帶解墮福與善生憂不為禍末句詳否

升之

履狼虎所嗥患害必遭不利有為宜以遁逃

泰金精耀怒帶劍過午兩虎相距弓弩滿野雖憂

无咎詳泰之坎

否朽根枯樹華葉落去卒逢火焱隨風偃仆上三句詳

屯之坎

人同入暗出明動作有光運轉休息常樂允一作康

詳否之復

有大國多忌諱大人恆畏結口无患可以常存

謙天地淳厚六合光明陰陽順序以成厥功一作厥功

以成下二句謙之大  
有第三句詳蒙之小畜

豫裸程逐狐爲人觀笑牝雞司晨主作亂妖上三句詳

大有之咸

隨陰升陽伏鬼哭其室慈母赤子相餒不食艮之隨上

二句末句  
升之旅

蠱蛸飛蠕一作蠢動各有配偶大小相保咸得其所

詳臨之豫

臨鬼守我廬欲呼伯去曾孫壽考司命不許與生

相保

第三句小過之漸

觀

禍走患伏喜爲我福凶惡消亡災害不作

家人之中

孚次句咸之損歸妹之恆末句泰之既濟

賁

智不別揚張狂妄行蹈淵仆顛傷殺伯身

次句恆之

兌別揚當作駕羊淮南子泰族會子駕羊猶之爲智也

剝

凶憂災殃日益章明禍不可救三卻夷傷

詳需之復

復

長尾委蛇畫地成

一作爲

河深不可涉絕无以北

惆悵噴息

詳師之咸

无妄

愛我嬰女牽衣不與冀幸高貴反得賤下

詳屯之未

濟

大畜

鳬游江海甘樂其餌既不近人雖驚不駭

首句詳需

師之

頤

明滅光息不能復食精魄既喪以夜爲室

大過

奇適无偶習靜獨處所願不從心思勞苦

坎

葛藟蒙棘華不得實讒佞亂政使忠墜塞

詳師之中

孚

離

鵲笑鳩舞來遺我酒大喜在後授吾龜鈕龍喜

張口起拜福祉

第三五句姤之履文韻府引漢官儀列侯黃金龜

附注

佩

鈕文曰印丞相黃金龜鈕文曰章

咸

魁行搖尾逐雲除水洿泥爲陸下田宜稷

詳同人

漸

恆白鶴銜珠夜室爲明膏潤優渥國歲年豐大畜

上二句詳小畜之萃 牟云國歲當作國遂大

戴禮千乘此國家之所以大遂也周語而行以

遂入風注 遂猶順也

遊內執柔德止訟以默宗邑賴福一作禍災不作

无妄 之咸

大吠驚駭公拔戈起元冥厭火消散民解

晉公說姬喜孫子一作子孫俱在榮譽日登福祿來處

次句剝之井末 句詳師之央

明夷鳥鳴哺鷺長欲飛去循枝上下適與風遇顛隕

樹根命不可救

人家

析薪爇酒使媒求婦和合齊宋姜子說喜

賁之

睽

鄰不我顧而望玉女身多癩疾誰可婦者

詳師小

過

蹇

遠視无明不知青黃黹續蹇耳使君聞聾

解

克身整己逢禹巡狩錫我元圭蒙受福祐

次句第三

句詳屯之大畜

損

遠視

一作望

千里不見黑子離婁之明无益於光

詳履之小過

益

斧斤所斫創痍不息鍼石不施下卽空室

丈夫南國少子才略美好求我長女賤薄不與反得

醜惡

一作陋

後乃大悔

詳比之漸

妬失儷後旅天門地戶不知所在安止无咎

第二三句

既濟之損

萃烏孫氏女深目黑醜嗜欲不同過时无偶

革之鼎次

句詳需之恆附注烏孫國名見史記大宛傳

升

叔一作伯

駕純驪南至東華

一作萊

求索駒

一作車馬

道闕中止

困二女寶珠誤鄭大夫君父无禮自爲作笑

君父當作

交甫文選張衡南都賦游女弄珠於漢皋之曲注引韓詩內傳鄭交甫將南適楚適彼漢皋臺



下乃遇二女佩兩珠大如荆雞之卵又郭璞江賦感交甫之喪佩注引韓詩內傳交甫遇二女與言曰願請子之佩二女與交甫交甫受而懷之超然而去十餘步循探之即亡矣回顧二女亦不見大夫亦疑交甫之謬

井

陽城太室神明所息仁智之君獨无兵革

首句第四

句詳需之蒙

革

大蛇爲殃使道不通歲收眇

魁之俗

少年穀敗傷

次句大畜之噬嗑大壯之泰晉之履

鼎

三足孤烏靈明督御司過罰惡自殘其家毀敗

爲憂

上三句詳小畜之未濟末句坎之渙

震

車雖駕兩勒絕馬欲步雙輪脫行不至道遇害

同人  
之賁

艮  
鬱快不明爲陰所傷眾霧集聚共奪日光

冥之噬嗑

首句无妄之蒙萃之謙末句萃之謙

漸

鶴鳴鶴鳴治成禦災綏德安家周公勤勞

大畜之蹇

附注詩鳴鶴鳴也

歸妹

名成德就項領不試景公耄老尼父逝去

未濟之明

夷上二句末句詳履之剝

豐

一夫兩心岐刺不深所爲无功求事不成

詳豫之臨

旅

弄張烏號殼射天狼柱國雄勇敗於滎陽

上三句詳

師之否

與

東家殺牛汚臭腥臊神皆西顧命衰絕周

明夷之

兌

火起吾後喜炙倉廡蒼龍銜水瀝注屋柱雖難

无咎

既濟之恆

喜當

渙

桃雀竊脂巢於小枝搖動不安為風所吹心寒

慄慄常憂殆危

詳謙之遯

節

徒足去域飛入東國有所畏避深藏邃匿

損之小畜

第三句詳訟之豐

孚中

瓊英朱草仁政得道鳧鷖在渚福祿來下

末句蠱之

渙

小過既濟未濟

陳蔡之厄從者飢罷明德上通憂不為凶

春桃生華季女宜家受福多年男為封君

詳師之坤

徑邪一作邪

賊田政惡

一作惡政

害民夫婦呪

祝之

詛

太山覆顛

### 賁第二十二

賁

政不暴虐鳳凰來舍四時順節民安其處

下三句乾

之姤

乾

八口九頭長舌破家帝辛沈湎商滅其虛

次句大過

之大

有八口九頭疑當如否之謙作人而鬼口其當作焉

坤

鬼守我門呼伯入山去其室家舍其兆墓

舍其之其

當作於 附注孝經喪親上其宅兆而安厝之注兆塋墓界域也

屯 日出阜東山蔽其明章甫薦屨箕子佯狂剝之泰晉

之小過 附注薦藉也見漢書張湯傳注

蒙 戴盆望天不見星辰顧小失大福逃於外詳隨之蹇

需 兩輪竝轉南上大阪四馬共轅无有重難與禹

笑言詳小畜之家入

訟 羊驚狼虎聳耳羣聚行旅稽難留連愁苦上二句既

濟之吳首句坎之臨末句成之豫萃之咸吳之井未濟之需

師 梗生荆山命制輪班袍衣剝脫夏熱冬寒立成

枯槁眾人莫憐詳乾之既濟

比 鳥飛无翼兔走折足不常其德自爲羞辱

上二句詳

蒙之漸

畜小 條風制氣萬物出生萌庶長養華葉茂榮

次三句

句詳坤之乾 附注條風居東北主出萬物見史記律書

履 坤厚地德庶物蕃息平康正直以綏大福

詳泰之解

泰 昴畢附耳將軍乘怒徑路隔塞燕雀驚駭

附注史記

天官書昴日旄頭胡星爲白衣會畢日罕車爲邊兵主弋獵其大星旁有小星日附耳附耳搖

動主有讒亂臣在側

否 東風破戶黔啄翻舞各樂其類咸得生處

首句

睽第三句詳噬嗑之坤 啖當作喙易說卦爲黔喙之屬

貴

八

同人

兩足四翼飛入嘉國寧我伯姊與母相得

詳同人之

謙

大有

歲暮華落陽入陰室萬物伏匿絕不可得

剝之家

夫之坤與之頤首句大過之豐

謙

釋然遠咎避患害早田獲三狐以貝為寶

詳泰之漸

豫

鵠足卻縮不見頭目日以困急不能自復

小畜之比

隨

秋隼冬翔數被嚴霜雞犬夜鳴家擾不寧

損之否

三句損之升困之節鼎之觀次句第三句詳小畜之蹇末句大過之萃革之臨

蠱

班馬還師以息勞罷役夫嘉喜入戶

一作室

見妻

詳觀之既濟

臨

老楊日衰條多枯枝爵級不進遂至摧隤上三句詳

蒙之

訟

觀

順風吹火牽騏驥尾易為功力因權受福井下

三句詳  
奉之旅

噬

六人俱行各遺其囊黃鵠失珠无以為明詳臨

剝

依叔牆隅志下心勞楚亭晨食韓子低頭詳同

震

復

三年生駒以戌為母荆夷上侵姬伯出走詳坤

无

鶴盜我珠逃於東都懷怒追求郭氏之虛不見

蹤迹反為患災

剝之豫上五句  
詳豫之明夷



大畜

外與中退舉事不遂哺糜毀齒失其道理

次句詳乾

之兌末句晉之漸附注與謂所與共事也

頤

鴻鵠高飛鳴求其雌雌來在戶雄哺嚙嚙甚獨

勞苦焦鼯膾鯁

下二句衍文宜刪

大過

褰裳涉河水深漬多賴幸舟子濟脫无它

詳坤之萃

坎

虎齧龍指太山之厓

元誤作崖與厓別今改正

天命不祐不

見其雌

第三句豫之賁

離

明不慮暗智不履危終日卒歲樂以笑歌

第三句詳

觀之歸妹末句臨之離

咸

三足俱行傾危善偃六指不便恩疊弟兄樹柱

闔車失其正當

復之訟 附注左傳昭六年主不恩賓注恩猶患也

恆

舍車而徒亡其駁牛雖喪白頭酒以療憂

雖當作緩

緩喪雪霜也釋名釋天雪緩也霜喪也

遜

析薪爇酒使媒求婦和合齊宋姜子說喜

噬嗑之家

人

壯大

夜視无明不利賈商子反笑歡

一作歌

與市爲仇

首句大畜之渙末句坎之晉

晉

徒行離車不

一作厭

冒泥塗利以休居

夷明

作室山根人以爲安一夕崩顛破我壺飧

鼎之大過

上三句蹇之屯

家

東山西山各自止安雖相登望竟未同堂

姤之艮漸

之屯中孚之黃上二句末句姤之坤渙之小過

睽

君子在朝凶言去消驚駭逐狼不見雄英

一作英雄

言當作人

蹇

隱隱填填火燒山根下潤我鄰獨不蒙恩

兌之困

附注隱隱水流聲見史記司馬相如傳填填雷聲見楚辭九歌此言雷雨大作而不滅山根之火也牟云火燒疑當作水澆依此說則隱隱亦言雷聲而水澆山根言大雨也

解

南山之蹊真人所在德配唐虞天命爲子保佑

歌享身受大慶

詳否之豫

損

龍蛇所聚大水來處泱泱沛沛使我无賴

上二句末

句詳泰之豐

益旃裘苦蓋慕德獻服邊鄙不聿以安王國下三句震

之旅第三句隨之蠱末句漸之咸附注晉范宣子數戎子駒支曰乃祖吾離被苦蓋蒙荆棘

以來歸吾先君見左傳襄十四年

夷光祀春城陳寶雞鳴陽明失道不能自守消亡

為咎詳大有之井

姤下泉苞稂十年无王荀伯遇時憂念周京詳蠱之歸

妹

萃仁德不暴五精就舍四序允釐民安其居末句臨之

革附注文選張衡東京賦五精帥而來摧注五精五方星也

升

隨和重寶眾所貪有相如睨柱趙王危殆

王當作玉

謂相如持璧欲以擊柱見史記藺相如傳

困

鳳生五雛長於南郭君子康寧身說榮樂

井

二人爲旅俱歸北海入門上堂拜謁王母勞賜

我酒

下四句詳乾之復

革

逐憂除殃沔泥生梁下田爲汪

損之大有句衍文宜刪

首

次句上當有缺文

鼎

東門之壇茹蘆在阪禮義不行與我心反

第三句詳

比之艮 黃云東門之壇詩鄭風文正義云考檢諸本字皆作壇又云今定本作壇釋文云壇音善依字當作壇可見作易林時固是壇字今作壇者誤依定本以後毛詩所改似是而實非

震

鳧過稻廬甘樂麴鱖雖驅不去田峻懷憂

詳同人之

升

艮

清人高子久屯外野逍遙不歸思我慈母

詳師之勝

漸

讒人所言語不成全虎狼之患不爲我殘

末句无妄

之師蹇之噬嗑

歸妹

張羅捕鵠兔離

一作麗

其災雌雄俱得爲網所賊

歸妹之節

豐

同本異葉樂

一作安

仁尙德東鄰慕義來興吾國

詳泰之中孚

旅

猗醜假誠前後相違言如鼃咳

效古通用語不咳後竝同

可知

夫之升 附注一切經音義引三倉稱黜惡也詩魯頌屈此羣醜箋醜惡也

與

懷璧越鄉不可遠行蔡侯兩裘久苦流離

附注蔡侯

兩裘見左傳定三年

兌

伯氏歸國多所恨惑車傾蓋亡身常驚惶乃得

其願雌雄相從

下五句詳謙之震

渙

火石相得乾无潤澤利少囊縮祇益促迫

節

君明聖哲嗚呼其友顯德之徒可以禮仕

下二句夫

之震第三句无妄之井

中孚

騎逐逐羊不見所望經涉虎廬羝失羔亡

家人之明

夷上二句末句詳乾之蹇

過小元黃虺隤行者勞罷役夫顛頓處子畏哀上三句詳

乾之革  
畏當作長

既濟右手掩目不見長叔失其所得悔吝相仍疑當

如坎之豫  
作歡叔

未濟免冠進賢步出朝門儀體不正賊孽為患詳否之兌

剝第二十三

剝行觸大忌一作諱與司命忤執囚束縛拘制於吏

詳訟  
之翼

乾儋耳穿胃僵離旁春天地易紀日月更始詳師之謙

坤從風縱火荻芝俱死三害集房叔一作子中傷



下三句詳  
乾之小過

屯

北方多棗橘柚所聚何囊載畚香盈筐筥

上三句謙

之大過

蒙

齋貝贖狸不聽我辭繫於虎須牽不得來

詳需之睽

需

上下惟邪寡婦无夫

一作戾其元夫

歡心隔塞君子離

居

訟

二人輦車徒去其家井沸釜鳴不可以

一作安居

復之旅小過之臨末句詳坤之復

師

蹇驢不材駿驥失時筋勞力盡罷於沙邱

詳履之巽

比

明夷兆初爲穆出郊以讒復歸名曰豎牛剝亂

叔孫餒於空邱

首句第三四五句大壯之屯附注穆出郊見左傳成十六年

豎牛云云見左傳昭四年以讒復歸言豎牛讒

佞之人由庚宗歸魯也明夷光初言叔孫不食卒也易明夷初九三日不食

小畜

天火大起飛鳥驚駭作事不時自爲身

一作多 咎

履

土與山連其保歲寒終无災患萬世長安

首句師之

遜

泰

日出阜東山蔽其明章甫薦屨箕子佯狂

詳賁之屯

否

罷馬上山絕无水泉喉焦唇

一作舌

乾口不能言

詳乾之訟

同人

雄處弱水雌在海濱別離獨食悲哀於心

兌之復第

三句詳師  
之大奇

有大

庭燎夜明追嗣日光陽弱不制陰雌生戾

頤之損

謙

三婦同夫忽不相思志恆悲愁顏色不怡

上二句小

畜之歸妹

豫

鶴盜我珠逃於東都懷怒追求郭氏之虛不見

武一作

蹤迹反為患災

詳賁之无妄

隨

沐一作

猴冠帶盜在非位眾犬共吠狂走蹶足

上二句末句大壯之屯附注史記項羽紀人言楚人沐猴而冠耳

蠱

黍稷禾稻垂畝方好中旱不雨傷風枯

一作病稿

首句下二句詳需之艮

臨

雄聖伏名人匿麟遠走鳳飛北亂禍未息

上四句詳

否之大過

觀

王母多福天祿所伏居之寵昌君子有光

无妄之需

節之姤

噬

班馬還師以息勞罷

一作疲

役夫嘉

一作欣

喜入戶

見妻

詳觀之既濟

賁

寒裳涉河水深漬多賴幸舟子濟脫无它

詳坤之萃

復

被服文德升入大麓四門雖肅登受大福

隨之大壯

无妄

東鄰嫁女爲王如后莊公築館以尊主母歸於

京師季姜說喜

詳屯之觀

焦氏易林校略卷六

第

五

大畜

百足俱行相輔爲強三聖翼事王室寵光

詳屯之履

頤

危坐至暮請求不得膏澤不降政戾民忒

詳需之頤

大過

百川潮海流行不止道

一作路

雖遼遠无不到者

詳謙之无妄

坎

乘驪駕驪東至於齊遭遇仁友送我以資厚得

利歸

首句下二句中孚之臨

離

禮樂崩壞陰請不當成子傲慢爲簡生殃欲求

致理力疲心爛

卜二句衍文宜刪牟云請當作謀

咸

三

一作

人輦車乘入虎家主母貪饕盜我犁牛

上三句无妄之萃

恆

羊頭兔足羸瘦少肉漏囊貯粟利无所得

渙之艮既

濟之訟未句  
詳豫之益

遯

新田宜粟上農得穀君子懷德以千百福

上三句恆

離之

壯大

夷羿所射發輒有獲雙鳧俱得利以伐國

一作利伐

王國 上二句既濟之履次句詳比  
之小畜 附注夷羿見左傳襄四年

晉

鳥飛鼓翼喜

一作嘉

樂堯德虞夏著

一作美

功要荒

賓服

小過之屯

明夷

登邱上山對酒遇歡終年卒歲優福无患

家人

歲暮華落陽入陰室萬物伏匿絕不可得

詳賁之大

有

睽

螟蟲為賊害我禾穀簞筥

一作瓶

空虛家

一作飢无

所食

首句下二句詳坤之革

蹇

陽虎脅主使德不通炎

一作火

離為殃年穀病傷

次句詳坤之大有書摯虞傳謝太陽於炎離

附注晉

解

四馬共轅東上泰山駢驪同力无有重難與君

笑言

漢之豐首句第四句詳小畜之家人次句詳訟之屯

損

牧羊稻園聞虎喧謹畏懼悚息終无禍患

詳否之節

益

陽華不時冬實生危憂多橫賊主不能服崑崙

之玉取求必得

此與同人之損同義陽華猶春華也謝靈運相逢行陽華與春

渥作楊揚  
者並非

丈 恆山浦壽高阜所在陰氣不淋洪水不處爲家

利寶 上四句詳  
比之坎

姤 釋然遠咎避患害早田獲三狐以貝爲寶君子

所在安寧不殆 上四句詳泰之漸第五句  
姤之漸末句詳比之明夷

萃 兩目失明日暮 一作奪 无光脰足跛曳不可以行

頓於邱旁亡妾莫逐鬼然獨宿 睽之復革之履  
鬼當作塊楚

辭七諫塊鞠今當道宿注塊獨處貌言  
己孤獨無耦塊然獨處當道而頓臥也

升 鴻飛遵陸公歸不復伯氏客宿 詳師  
之震

困 桑方將落隕其黃葉失勢傾側如无所得 次句  
第三



句詳履之噬嗑  
一作剝之震辭

井

載船渡海雖深何咎孫子俱在不失其所

第三句噬

盛之晉末句  
詳泰之鼎

革

鵠求魚食道遇射弋增加我頸繳縛羽翼欲飛

不能為羿所得

上三句下二句豐之  
臨第五句蹇之明夷

鼎

泥面亂頭忍恥少羞日以削消凶其自招

第三句詳

泰之觀  
招當作招

震

佩玉纓兮无所繫之孤怨獨處愁哀相憂

上二句詳

需之蠱  
一作剝之困辭

艮

巨蛇大鱗戰於國郊上下隔塞主

一作逐

君走逃

異之臨次句  
墜監之訟

漸  
己動死連商子揚沙石胡一作狐貉擾軍鼓振吏

士苦未詳或曰言邊將勤王事父子相繼而亡如漢書李廣李陵事動當作勤商當作喪

妹歸  
三人俱行別離特食一身五心亂无所得首句下二

句詳師之大畜 一作張羅捕鳩免麗其災雖雄俱得為網所賊

豐  
三聖相輔鳥獸喜舞安樂富有二人諧一作偕偶

次句隨之坤臨之解

旅  
三奇六耦相隨俱市王孫善賈先得利寶居止

不移大盜為咎首句大過之頤

異  
三人俱行一人言北伯仲欲南少叔不得中路

分道爭鬪相賊

歸妹之中孚首句詳師之大畜

兌

播天舞地神明所守安樂无咎言不信誤

上三句詳

同人之觀末句衍文宜刪

渙

坐爭立訟紛紛匈匈卒成禍亂災及家公

大過之坎

大壯之大畜夫之同人次句中孚之未濟

節

蛇行蜿蜒不能上阪履節安居可以无憂

孚中

隙大牆壞蠹眾木折狼虎為政天降罪罰高弑

望夷胡亥以繁

乾之大壯

小過

陽不違德高山多澤顏子逐兔未有所獲

存一考

既濟

心多畏惡時愁日懼雖有小咎終无大悔

首句詳豫

之歸妹

未濟

眾神集聚相與議語南國虐亂百姓愁苦興師

征伐更

一作別

立賢主

詳小畜之豫

復第二十四

復

周師伐紂克於牧野甲子平旦天下說喜

首二句

句詳謙之噬嗑

乾

任武負力東征不伏陷履泥塗雄師敗覆

伏當作服

坤

義不勝情以欲自營覬利危躬折角摧頸

豐之漸小

過之升上三句師之履首句下二句坤之豐

屯

縣貆素餐食非其安失輿剝廬休坐徒居

詳乾之震

焦氏易林校略卷六 復 九

蒙

鳴鵲娶婦深目窈斗折腰

要之俗後竝同

不媚與伯相

背

一作負雜記戚夫人善爲翹衷折腰之舞

明夷之艮附注西京

折腰之舞

需

東風解凍河川流通西門子產升擢有功

首句離之

恆附注西門子產見史記滑稽傳

訟

三足俱行傾危善僵六指不便恩繫弟兄樹柱

闔車失其正當

詳賁之咸

師

京庾積倉黍稷以興極

亟古通川極

行疾至以歷

猷之

俗後竝同

飽食

上二句損之咸

比

南山之蹊真人所在德配唐虞天命爲子保祐

歌享身受大慶

詳否之豫

畜小

車馳人趨

一作趨

卷甲相仇齊魯寇戰敗於犬邱

詳坤之兌

履

十五許室柔順有德霜降許嫁夫以爲合先王

日至不利出域

未句詳萃云合當作客

泰

任力劣薄遠託邦國輔車不彊爲癰所傷

年云癰疑

當作豈云升案蓋如詩無將大車維塵雖分之義

否

千歲

一作載

舊室將有困急荷糧負囊出門直北

凶憂災殃日益章明禍不可救三郤夷傷

詳需之復

同人大有

寇危戴患身驚不安與禍馳逐凶來入門

謙

虎狼竝處不可以仕忠謀轉政禍必及己退隱

深山身乃不殆

年云轉當作輔

豫

卵與石鬪糜碎无疑挈瓶之使不為憂懼

上二句長

之損使當作智雖有挈瓶之知守不假器見左傳昭七年

隨

五心六意岐道多怪非君本志生我恨悔

隨之

蠱

雨雪載塗東行破車旅人无家利益吝

用吝

嗟次句復之觀復之歸妹利當作日

臨

尙利壞義月出平地國亂天常咎徵滅亡

月常作穴

言地陷也

觀

東行破車步入危家衡門穿射无以為主賣袍

續食糟糠不飽

上二句下三句夾之訟首句詳復之蠱

嗟嗟

逐禽出門并失玉丸往來井上破甌缺盆

上三句益

萃之

賁

孟春醴酒使君壽考南山多福宜行賈市陸梁

雌雉所至利喜

次句下三句詳師之豫

剝

持刀操肉對酒不食夫行從軍少子入獄抱膝

獨宿

詳坤之既濟

无妄

喘牛傷暑弗能耕畝草萊不墾年歲无有

上二句末

句歸妹之坤

大畜

南邦大國

一作域

鬼魅滿室謹聲相逐爲我行賊

頤

嚶嚶所言莫知我垣歡樂

一作喜

堅固可以長安



詳大有之屯

過大

堯舜禹湯四聖敦仁允施德音民安无窮旅人

相望未同朝卿

下二句衍文宜刪

坎

桎梏拘獲身入牢獄髡刑受法終不得釋耳閉

道塞求事不得

末句詳坤之艮

離

桀跖竝處民困愁苦行旅遲遲留連齊魯

豐之井首

句詳乾之大過次句離之巽存考

咸

求雞獲雉買鼈失魚出入鈞敵利得无餘齊姜

朱子婚姻孔嘉

下二句衍文宜刪

恆

雨師駕西風伯吹雲秦楚爭強施不得行

首句遜之

師

遜

仲冬無秋鳥鵲飲憂困於米食數驚鷓鴣

壯大

三羝上山俱至陰安遂到南陽見其芝香兩厓

相望未同枕牀

此與大畜之大過夬之睽辭義略相同而皆有譌誤未詳見一

作完同  
一作有

晉

飛之一作至

日南還歸遼東雌雄相從和鳴離離

解我胷春

第三句詳乾之屯

明夷

堯飲舜舞禹拜上酒禮樂所豐可以安處保我

淑女

第四句復之家人大畜之大壯飲當作歌末句衍文宜刪

人家

太乙置酒樂正起舞萬福攸同可以安處綏我

齟

一作兒齒大畜之大壯第四句復之明夷

睽

白馬駒

一作驢

生乳不休富我商人得利饒有

首句第三句詳隨之噬嗑

蹇

踽馬疾步盲師坐御目不見路中止不到

後漢書班

固傳馬踽餘足注踽猶屈也作宛者非

解

春草萌生萬物華榮邦君所居國樂无憂

首句末句

渙解之

損

把珠入口蓄爲我寶得吾所有欣然嘉喜

詳同人之復

益

樛燒袴燔裸剝飢寒病瘡凍瘰

史水沫沈浮沮溼不居爲心疾憂

姤行如桀紂雖禱不祐命絕衰周文王乏祀

萃

蚍蜉

一作蜉蝣

戴盆

一作盥

不能上山腳摧跛

一作跌

蹶

頓

一作損

傷其顏

上二句末句震之否

升

長子入獄婦饋母哭霜降旬日鄉晦伏法

鼎之履

困

求犬得兔請新遇故雖不當路踰吾舊舍

井

烏鳴葭端一呼三顛動搖東西危而不安靈祝

禱祉疾病无患

上三句下二句詳需之節

革

天厭禹德命與湯國祓社釁鼓以除民疾

鼎

陰霧作匿不見白日邪徑迷道使君亂惑

匿當作愿

震 猿墮高木不踈手足握珠懷玉還歸其一作室

益之豫上二句末句詳蒙之隨第三句訟之大壯

艮 三驪負衡南取芷香秋蘭芬馥盈一作盛滿篋筐

利我少姜上三句歸妹之益

漸 春生夏乳羽毛成就舉不失宜君臣相好盜走

奔北終无有悔下二句疑衍

歸妹 東行破車還反室家天命訖終无所禱凶首句詳復

之

豐 九雁列陳雌獨不羣為醫所牽死於庖人晉當作增

旅 二人輦車徙去其家井沸釜鳴不可以居詳刺之訟

吳 閉塞復通與善相逢甘棠之人解我憂凶

兌 賦斂重數政爲民賊杼柚空虛去其家室詳否之豐

渙 怒非其怨因物有遷貪妬腐鼠而呼鴟鴞自令

失餌致被困一作患 詳履之否

節 簪短帶長幽思苦窮瘠蠡小瘦以病之癰恆之咸

小當作消牟云以當作似 附注 蠡如左傳桓六年不疾瘕蠡之蠡

中 三人俱行各別采桑蘊蘊之俗其筐筥畱我嘉旅

得歸无咎四月來處首句詳師之大畜

過小 逐鳩南飛與喜相隨并獲鹿子多得利歸雖憂

不危第四句詳屯之需

齊既

驅羊南行與禍相逢狼驚吾馬虎盜我子悲恨

自咎

漸之

齊未

東鄰西國福喜同樂出得隨珠畱獲和玉俱利

有息